



ԲՈՎԱՆԴԱԿՈՒԹՅՈՒՆ

ԳԼՈՒԽ 1. ԸՆԴՀԱՆՈՒՐ ԴՐՈՒՅԹՆԵՐ.....2

ԳԼՈՒԽ 2. ՀԻՄՆԱԿԱՆ ՀԱՍԿԱՑՈՒԹՅՈՒՆՆԵՐ2

ԳԼՈՒԽ 3. ՏԵՆԴԵՐՆԵՐԻ ԱՆՑԿԱՑՄԱՆ ՊԱՅՄԱՆՆԵՐԸ..... 3

ԳԼՈՒԽ 4. ՏԵՆԴԵՐԻ ՀԱՅՏԵՐՈՒՄ ՆԵՐԱՌՎՈՂ ՓԱՍՏԱԹՂԹԵՐԻ ՑԱՆԿՆ ՈՒ
ՏԵՂԵԿԱՏՎՈՒԹՅՈՒՆԸ 4

ԳԼՈՒԽ 5. ՏԵՆԴԵՐԱՅԻՆ ՀԱՆՁՆԱԺՈՂՈՎԻ ՈՐՈՇՈՒՄՆԵՐԸ..... 6

ԳԼՈՒԽ 6. ՀԱՎԵԼՎԱԾՆԵՐ.....7

ԳԼՈՒԽ 7. ԽՄԲԱԳՐՈՒԹՅՈՒՆ.....7




Ընդհանուր հասանելի

ԳԼՈՒԽ 1. ԸՆԴՀԱՆՈՒՐ ԴՐՈՒՅԹՆԵՐ

- 1.1 <<Յունիբանկ>> ԲԲԸ-ի <<Մրցույթի անցկացման ընթացակարգը>> սահմանում է Յունիբանկի կողմից իր գործունեության անընդհատության ապահովման նպատակով ապրանքների և ծառայությունների ձեռքբերման մրցույթների հայտարարման, անցկացման և ամփոփման գործընթացները:
- 1.2 Բանկի գործունեության համար սարքավորումների, համակարգչային տեխնիկայի, այլ անհրաժեշտ գույքի ձեռքբերման, շինարարական, վերանորոգման աշխատանքների իրականացման համար սույն Ընթացակարգին համապատասխան, մատակարար կամ կապալառու ընկերությունների ընտրության նպատակով պարտադիր անցկացվում է փակ մրցույթ:
- 1.3 Մրցույթին մասնակցելու իրավունք չունեն՝
 - Ա) այն անձինք, որոնք անվճարունակ են, լուծարման գործընթացում սնանկ են ճանաչվել,
 - Բ) այն անձինք, որոնք մրցույթի հայտը ներկայացնելու պահին ունեն << պետական բյուջեի նկատմամբ ժամկետանց պարտքեր՝ հարկային և օրենքով սահմանված այլ պարտադիր վճարումների գծով:
- 1.4 Բանկի պաշտոնական կայքում տեղադրվում են տենդերային մրցույթին մասնակցելու համապատասխան պայմանները, մրցույթի անցկացման գործընթացի հետ կապված տեղեկատվությունը, ինչպես նաև սույն Ընթացակարգը:
- 1.5 Ըստ Հայտատուի պահանջի՝ մասնակցին անվճար տրամադրվում է սույն Ընթացակարգը:
- 1.6 Սույն Ընթացակարգի դրույթները չեն տարածվում Բանկի կողմից անկախ աուդիտորական ընկերության ընտրության նպատակով անցկացվող մրցույթների վրա, որը կարգավորվում է համաձայն Բանկի <<Անկախ աուդիտորական կազմակերպության ընտրության կարգի>>:
- 1.7 Սույն Ընթացակարգը մշակվել է համաձայն << օրենսդրության և Բանկի ներքին իրավական ակտերի:

ԳԼՈՒԽ 2. ՀԻՄՆԱԿԱՆ ՀԱՍԿԱՑՈՒԹՅՈՒՆՆԵՐ

- 2.1 Ընթացակարգում օգտագործվող հիմնական հասկացություններն են՝
 - **Բանկ**՝ <<Յունիբանկ>> բաց բաժնետիրական ընկերություն,
 - **Հանձնաժողով**՝ Տենդերային հանձնաժողով,
 - **Քարտուղար**՝ Հանձնաժողովի քարտուղար,
 - **Հայրապու**՝ տենդերային մրցույթի մասնակցության համար հայտ ներկայացրած և մրցույթին մասնակցող իրավաբանական անձ կամ անհատ ձեռնարկատեր,
 - **Հրապարակային մրցույթի պայմաններ**՝ Բանկի կողմից իրականացվող հրապարակային մրցույթով կնքվող պայմանագրի էական պայմանների համալիր,
 - **Մրցույթի արդյունքների մասին արձանագրություն**՝ մրցույթի արդյունքների հիման վրա Բանկի և մրցույթում հաղթող ճանաչված մասնակցի միջև ստորագրված փաստաթուղթ, որի ստորագրման պահից մրցույթում հաղթող ճանաչված մասնակիցը ձեռք է բերում

	Մրցույթի անցկացման ընթացակարգ	Կոդ 17.03.6	Խմբագրություն՝ 1.0
		Հաստատված է Բանկի Վարչության 11.04.2019թ. որոշմամբ	

Ընդհանուր հասանելի

համապատասխան պայմանագիր կնքելու իրավունք կամ ստանձնում է պայմանագիր կնքելու պարտավորություն,

- **Մրցույթի հայտերի ամփոփման նիստ**՝ մրցույթի հաղթողին որոշելու համար գումարվող Հանձնաժողովի նիստ, որի ընթացքում Հանձնաժողովը քվեարկության միջոցով ձևավորված եզրակացության հիման վրա որոշում է կայացնում ստորագրել մրցույթի արդյունքների մասին արձանագրությունը կամ որոշում է կայացնում մրցույթը չկայացած համարելու մասին:

ՎՈՒԽ 3. ՏԵՆԴԵՐՆԵՐԻ ԱՆՑԿԱՑՄԱՆ ՊԱՅՄԱՆՆԵՐԸ

3.1. Տենդերային մրցույթի պայմաններն իրենց մեջ ներառում են՝

- Ա) մրցույթի կազմակերպչի անվանումը,
- Բ) մրցույթի կազմակերպման վայրը (հասցեն),
- Գ) մրցույթի պայմանները (կնքվելիք պայմանագիրը),
- Դ) մրցույթի հայտերի ընդունման ժամանակահատվածը՝ նշելով ժամերն ըստ օրերի,
- Ե) մրցույթի ձևը և անցկացման կարգը (մրցութային հայտերին ներկայացվող պահանջները, դրանց ներկայացման կարգը, մրցութային հայտերը բացելու, ինչպես նաև մրցույթի հայտերն ամփոփելու կարգը),
- Զ) մրցույթին մասնակցելու համար անհրաժեշտ փաստաթղթերի և տեղեկությունների ցանկը,
- Է) մրցույթում հաղթողին որոշելու կարգը,
- Ը) մրցույթի ծածկագիրը և դրա կիրառման կարգը,
- Թ) մրցույթի հայտերը բացելու, ինչպես նաև մրցույթի հայտերն ամփոփելու նիստերի օրը և ժամը,
- Ժ) համապատասխան պայմանագրի կնքման համար տրամադրվող ժամկետը,
- Ի) մրցույթի Ընթացակարգին ծանոթանալու վայրը և Ընթացակարգի պատճենը տրամադրելու կարգը,
- Լ) սույն Ընթացակարգով նախատեսված, ինչպես նաև Հանձնաժողովի հայեցողությամբ՝ այլ տեղեկություններ:


Մրցույթի վերաբերյալ ծանուցումը պարունակում է նաև հետևյալ տեղեկությունները՝

- Ա) մրցույթի առարկայի գինը և վերջինիս հաշվարկման մեթոդը,
- Բ) ձեռքբերումների այն ժամանակահատվածը, որի համար հայտարարվել է մրցույթը:

3.2. Մրցույթն անցկացվում է առնվազն 3 (երեք) ընկերությունների կողմից առաջարկ ներկայացվելու դեպքում: 3 (երեք) մասնակցից քիչ լինելու դեպքում մրցույթի հայտեր ընդունելու ժամկետը երկարաձգվում է մեկից երկու շաբաթով, որի մասին հայտարարություն է տեղադրվում նաև Բանկի պաշտոնական կայքում, և անկախ մասնակիցների քանակից մրցույթն անցկացվում է սահմանված ժամկետի ավարտին:

3.3. Բանկը երաշխավորում է մրցույթի բոլոր մասնակիցների հնարավորությունների հավասարությունը:

3.4. Բանկի աշխատակիցների հետ փոխկապակցված ընկերությունները Բանկի հայտարարած մրցույթին կարող են մասնակցել միայն Բանկի համաձայնությամբ, ընդ որում բացի փոխկապակցված ընկերություններից աճուրդին պետք է մասնակցեն նաև առնվազն 2 (երկու) այլ՝ Բանկի աշխատակիցների հետ չփոխկապակցված, կազմակերպություն: Եթե մրցույթին հաղթող է

	Մրցույթի անցկացման ընթացակարգ	Կոդ 17.03.6	Խմբագրություն՝ 1.0
		Հաստատված է Բանկի Վարչության 11.04.2019թ. որոշմամբ	


Ընդհանուր հասանելի

ճանաչվում Բանկի աշխատակիցների հետ փոխկապակցված կազմակերպությունը և առկա է շահերի բախում, ապա հարցը պետք է քննարկվի նախ Բանկի Վարչության կողմից և վերջինիս եզրակացությամբ ներկայացվի Բանկի Խորհրդի դիտարկմանը, որտեղ էլ պետք է որոշվեն մրցույթի արդյունքները ճանաչելու կամ նոր մրցույթ հայտարարելու հարցը:

- 3.5.** Լավագույն առաջարկը որոշվում է՝ հաշվի առնելով գնառաջարկները: Հայտատուն պետք է հստակ կերպով ներկայացնի կիրառվող գեղչերը և երաշխիքային սպասարկման պայմանները: Այլ հավասար պայմանների դեպքում, այդ թվում հավասար գնառաջարկի դեպքում, նախապատվությունը տրվում է երաշխիքային սպասարկման և մատակարարման լավագույն պայմաններ առաջարկող հայտատուին:
- 3.6.** Տենդերային մրցույթի առարկան՝ համապատասխան պայմանագիրը, Բանկը և մրցույթում հաղթող ճանաչված մասնակիցը պետք է ստորագրեն մրցույթի ավարտից և արձանագրության ձևակերպումից հետո 10 (տաս) աշխատանքային օրվա ընթացքում, եթե հրապարակային ծանուցման մեջ կամ կողմերի համաձայնությամբ այլ ժամկետ սահմանված չէ:
- 3.7.** Տենդերային հանձնաժողովը մրցույթի հայտերի բացման օրը մրցույթի մասնակիցների ներկայացրած հայտերի ուսումնասիրությունից հետո կարող է փոփոխել նախատեսված մրցույթի հայտերի ամփոփման օրը և ժամը՝ դրա մասին ծանուցելով մասնակիցներին, այդ թվում Բանկի պաշտոնական կայքում հրապարակելու միջոցով: Այդ կապակցությամբ Բանկը պարտավոր է մրցույթի մասին հրապարակային ծանուցման մեջ անհապաղ կատարել համապատասխան փոփոխություններ և/կամ լրացումներ: Նշված փոփոխությունները կարող են կատարվել մինչև մրցույթի հաղթողին որոշելու օրը: Բանկը հրապարակային ծանուցման փոփոխությունների դեպքում չի կրում մասնակիցների կողմից կրած իրական վնասների ռիսկը:
- 3.8.** Հրապարակային ծանուցման փոփոխությամբ թույլատրվում է կատարել ցանկացած լրացում, եթե դրանով չեն փոփոխվում մրցույթի պայմանների մասին հրապարակային ծանուցման մեջ նշված էական պայմանները:

ԳԼՈՒԽ 4. ՀԱՅՏԵՐԻ ԸՆԴՈՒՆՈՒՄԸ ԵՎ ՆԻՍՏԵՐԻ ԱՆՑԿԱՑՈՒՄԸ

- 4.1** Տենդերային մրցույթին մասնակցել ցանկացող կազմակերպությունները մրցույթի մասին հրապարակային ծանուցման պահանջներին համապատասխան Բանկ են ներկայացնում մրցույթի հայտերը:
- 4.2** Մրցույթի հայտերը ներառում են հետևյալ տեղեկություններն ու փաստաթղթերը՝
- մրցույթի մասնակցի անվանումը, գտնվելու վայրը, հեռախոսահամարները, իրավաբանական անձի դեպքում՝ ձեռնարկությունների պետական ռեգիստրի կողմից տրված գրանցման վկայականի պատճենը,
 - սարքավորումների և/կամ ծրագրային ապահովման նկարագրությունը, մատակարարման ժամկետները,
 - տեղեկություններ նախկինում նման ոլորտում այլ կազմակերպությունների հետ (տեղական, միջազգային, օտարերկրյա) համագործակցելու մասին, տեղեկություններ նախորդ հաշվետու

	Մրցույթի անցկացման ընթացակարգ	Կոդ 17.03.6	Խմբագրություն՝ 1.0
		Հաստատված է Բանկի Վարչության 11.04.2019թ. որոշմամբ	

Ընդհանուր հասանելի

տարվա ընթացքում իր կողմից նմանատիպ ծառայությունների մատուցման ծավալի վերաբերյալ,

- լիցենզիայի ռեկվիզիտները՝ առկայության դեպքում,
- տեղեկանքներ ՀՀ կառավարությանն առընթեր հարկային պետական ծառայությունից և կենսաթոշակային հիմնադրամից՝ գործունեության վերջին ժամանակահատվածում և տվյալ պահին կազմակերպության՝ պետքույքի նկատմամբ ունեցած պարտավորությունների վերաբերյալ (ըստ պահանջի),
- համապատասխան աշխատանքների կատարման կամ ծառայությունների մատուցման համար անհրաժեշտ տեխնիկական միջոցների առկայության և վիճակի մասին տեղեկատվություն,
- ձեռք բերվող գույքի, կատարվող աշխատանքների կամ մատուցվող ծառայությունների նմուշները՝ դրանց որակը տեղում ստուգելու նպատակով, որոնք կհաստատեն իր կողմից մատակարարվող ապրանքների և մատուցվելիք ծառայությունների որակը,
- մրցույթի կազմակերպչի հայեցողությամբ այլ անհրաժեշտ տեղեկություններ և փաստաթղթեր:

4.3 Հայտատուները մինչև հայտերի բացման օրը կարող են հետ վերցնել մրցույթի հայտերը (հրաժարվել մրցույթին մասնակցելուց):

4.4 Ծրարներին, մրցույթի հայտերի ներկայացման ժամկետներին, ինչպես նաև մրցույթի հայտերով ներկայացման ենթակա տեղեկություններին և փաստաթղթերին ներկայացվող պահանջներին չհամապատասխանող հայտերը, այդ թվում թերի ներկայացված փաթեթները, մրցութային հանձնաժողովի կողմից մերժվում են և վերադարձվում ներկայացնողին:

4.5 Բանկը պատասխանատու չէ մրցույթի մասնակիցների այն ծախսերի համար, որոնք պայմանավորված են մրցույթի նախապատրաստման և ուղարկման համար՝ անկախ մրցույթի արդյունքներից:


4.6 Մրցույթի հայտերը ներկայացվում են սոսնձված, կնքված և ստորագրված ծրարով: Ծրարի դիմերեսին պետք է առկա լինեն սույն Ընթացակարգին կից գործող Հավելված 1-ով սահմանված տվյալները՝ սահմանված ձևաչափով՝ լրացված հայտ ներկայացնողի կողմից¹:

4.7 Ծրարում ներառված փաստաթղթերը պետք է կազմված լինեն բնօրինակից և 1 (մեկ) կրկնօրինակից (կազմակերպության ֆիրմային ձևաթղթերի վրա (առկայության դեպքում), ստորագրված կազմակերպության ղեկավարի կողմից և կնքված կազմակերպության կնիքով (առկայության դեպքում)), որոնց վրա համապատասխանաբար գրվում են “բնօրինակ” և “կրկնօրինակ” բառերը:

4.8 Հայտատուները պետք է ապահովեն իրենց գնառաջարկների առաքումը Բանկ (իրավաբանական հասցե՝ ք.Երևան, Չարենցի 12 թիվ 53, 1-5)՝ մինչև սահմանված վերջնաժամկետը:

4.9 Բանկը դադարեցնում է գնառաջարկների ընդունումը Հանձնաժողովի կողմից սահմանված վերջնաժամկետից: Վերջնաժամկետից ուշ ստացած գնառաջարկները մերժվում են Բանկի կողմից՝ առանց հաշվի առնելու դրանց բովանդակությունը: Այդ դեպքում հայտատուն իրավունք ունի հետ կանչել իր տենդերային առաջարկը:

¹ Ծրարի վրա նշված “Հայտի ընդունման ամսաթիվ և ժամ” դաշտը լրացնում է ծրարը ընդունող Բանկի աշխատակիցը:


	Մրցույթի անցկացման ընթացակարգ	Կող 17.03.6	Խմբագրություն՝ 1.0
		Հաստատված է Բանկի Վարչության 11.04.2019թ. որոշմամբ	

Ընդհանուր հասանելի

- 4.10** Բանկը ծրարն առաքող անձին, ըստ պահանջի, առձեռն տրամադրում է Ստացական տենդերային առաջարկը ընդունելու վերաբերյալ՝ նշելով ստացման ժամը և օրը:
- 4.11** Հանձնաժողովը որոշում է կայացնում լրացուցիչ փուլերի անցկացման մասին կամ լավագույն առաջարկ կատարած (հիմնվելով գնային, որակի չափանիշների վրա) հայտատուի որոշման և Պայմանագրի կնքման մասին:
- 4.12** Բանկը պատասխանատվություն չի կրում տենդերային առաջարկների կորստի կամ ծրարի՝ նախատեսված տենդերի անցկացումից շուտ բացման համար, եթե տենդերային առաջարկով ծրարը չի կնքվել կամ չի համապատասխանում Բանկի կողմից առաջադրված պահանջներին:
- 4.13** Հանձնաժողովը չկայացած (անվավեր) է համարում մրցույթը, եթե՝
- ոչ մի հայտ չի ներկայացվել,
 - ներկայացված հայտերից ոչ մեկը չի համապատասխանում մրցույթի մասին հրապարակային ծանուցման մեջ նշված պահանջներին,
 - արտակարգ իրավիճակների պատճառով անհնար է դառնում մրցույթով նախատեսված աշխատանքների կատարումը, գույքի ձեռք բերումը կամ ծառայությունների մատուցումը:
- 4.14** Մրցույթում կարող են հաղթող ճանաչվել մեկից ավելի կազմակերպություններ՝ հաշվի առնելով մատակարարվող ապրանքի տեսականին և այլ հանգամանքներ:
- 4.15** Մրցույթի մասնակիցների հայտերը մինչև Հանձնաժողովի նիստը պահվում են Հանձնաժողովի քարտուղարի մոտ, ով պատասխանատու է դրանց պահպանության համար:
- 4.16** Հանձնաժողովի նիստում հայտերը հանձնվում են Հանձնաժողովի նախագահին կամ նախագահողին:

ԳԼՈՒԽ 5. ՏԵՆԴԵՐԱՅԻՆ ՀԱՆՁՆԱԺՈՂՈՎԻ ՈՐՈՇՈՒՄՆԵՐԸ

- 5.1** Հանձնաժողովի նիստն իրավազոր է, եթե նիստին ներկա են հանձնաժողովի անդամների երկու երրորդը. Հայտերի բացման նիստն իրավազոր է, եթե նիստին ներկա են Հանձնաժողովի քարտուղարը և Հանձնաժողովի առնվազն 3 (երեք) անդամ:
- 5.2** Հանձնաժողովի որոշումներն ընդունվում են բաց քվեարկությամբ՝ Հանձնաժողովի նիստին ներկա անդամների ձայների պարզ մեծամասնությամբ: Հանձնաժողովի յուրաքանչյուր անդամ ունի 1 (մեկ) ձայնի իրավունք: “Կողմ” և “Դեմ” ձայների հավասարության դեպքում Հանձնաժողովի նախագահի, իսկ նրա բացակայության դեպքում նիստը նախագահողի ձայնը որոշիչ է:
- 5.3** Որոշումը ձևակերպվում է Քարտուղարի կողմից կազմված արձանագրությամբ, որը մրցույթի նիստից հետո 5 (հինգ) աշխատանքային օրվա ընթացքում պետք է ստորագրվի նիստին ներկա Հանձնաժողովի բոլոր անդամների և հաստատվի Հանձնաժողովի նախագահի կողմից:
- 5.4** Հանձնաժողովն իրավունք ունի մերժել հայտը, եթե Հայտատուն ուղղակի կամ անուղղակի կերպով տվել է, պայմանավորվել է տալ կամ առաջարկել է Հանձնաժողովի որևէ աշխատակցի ցանկացած տեսակի պարգևատրում՝ աշխատանք, ծառայություն, ցանկացած արժեքավոր իր որպես խրախուսում, որը կարող է ազդել լավագույն առաջարկ կատարած Հայտատուի ընտրման կապակցությամբ որոշումների կայացման վրա:

	Մրցույթի անցկացման ընթացակարգ	Կոդ 17.03.6	Խմբագրություն՝ 1.0
		Հաստատված է Բանկի Վարչության 11.04.2019թ. որոշմամբ	

Ընդհանուր հասանելի

- 5.5** Հանձնաժողովն իրավունք ունի մրցույթի անցկացմանն առնչվող գործընթացները կասեցնել մրցույթի փակման օրվանից առնվազն 3 (երեք) օր առաջ՝ այդ մասին համապատասխանաբար ծանուցելով հայտատուներին Բանկի պաշտոնական կայքում այդ տեղեկատվությունը տեղադրելու միջոցով: Բանկը պատասխանատվություն չի կրում այսպիսի կասեցման արդյունքում հայտատուների կամ երրորդ անձանց կողմից կրած ծախսերի համար:
- 5.6** Տեղեկատվության հանձնաժողովի անդամները և Քարտուղարը պարտավոր են Հանձնաժողովի ողջ գործունեության ընթացքում պահպանել իրենց հայտնի դարձած՝ Հայտերով ներկայացված տեղեկությունների գաղտնիությունը, բացառությամբ ՀՀ օրենսդրությամբ նախատեսված դեպքերի:

ԳԼՈՒԽ 6. ՀԱՎԵԼՎԱԾՆԵՐ

Հավելված	Անվանում
Հավելված 1	Ծրարի դիմերեսի ձևաթուղթ

ԳԼՈՒԽ 7. ԽՄԲԱԳՐՈՒԹՅՈՒՆ

Խմբագրման համար	Խմբագրման ամսաթիվ և որոշում	Խմբագրման նկարագրություն
1	Վարչության 11.04.2019թ որոշմամբ	-